

卷十一

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖兮玄黃判離太極既殊是生兩儀星辰煥列日月
 重規以尊地靜以卑昏明迭炤或盈或虧陰陽協
 氣下謝寒暑隨時而推移三才殊性五行異位千變
 萬化育庶類授之以形稟之以氣色表文采聲有音
 無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷十一
 內容分類 集-總集-詩文
 索書號 大木-集部-總集類-3
 編號 D7920300

彩色首頁



東洋文化研究所漢籍目錄 編號: D7920300

東洋文化研究所漢籍目錄所藏漢籍善本全文影像資料庫 索書號: 大木-集部-總集類-3

漢籍善本全文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項




不 許 複 製

NOT TO BE REPRODUCED

東京大学東洋文化研究所

所
圖
書

研
究



選卷第十一

明通議大夫都察院右副都御史大庾劉節廣



逸詩 廣

逸詩

翹翹車乘招我以弓豈不欲往畏我友朋

又

周道挺挺我心扃扃講事不令集人來定

又

巧笑倩兮美目盼兮素以爲絢兮

又

棠棣之華翩其反而豈不爾思室是遠而

雖無絲麻無棄菅蒯雖有姬姜無棄焦萃凡百君子莫不代置

又

溪河之清人壽幾何北多詢多職競作羅

又

禮義不懲何恤人之言

又

淑慎爾止無載爾偽

又

我無所監夏后及商用亂之故民卒流亡

又

相彼盍旦

之

又

昔吾有先正其言明且清國家以寧都邑以成庶民以生誰能秉國成不自為政卒勞百姓

又

天之所支不可壞也其所壞亦不可支也

招祈詩

祈招之惜惜式昭德音思我王度式如玉式如金形民之力而無醉飽之心

射詩

曾孫侯氏四正具舉大夫君子凡以庶士小大莫處御于君所以燕以射則燕則譽

述德

漢廟登歌詩

東平王蒼

於穆世廟肅雍顯清俊又翼翼秉文之成越序上帝駿
奔來寧建立三雍封禪泰山章明圖讖放唐之文休以
惟德罔射協同本支百世永保厥功

歌魏德詩二首

魏文帝

堯任舜禹當復何為百獸率舞鳳皇來儀得人則安失
人則危唯賢知賢人不易知歌以永言誠不易移鳴條
之役萬舉必全德道通言降福自天

汎汎絲池中有浮萍寄身流波隨風靡傾芙蓉含芳苗
菑垂榮朝采其實夕佩其英采之遺誰所思在庭雙魚
比目鴛鴦交頸有美一人婉如青陽知音識曲喜為樂

勸厲

危詩

荀卿

天下不治請陳危詩天地易位四時易鄉列星隕墜日
暮晦盲幽暗登昭日月下藏公正無私反見縱橫志愛
公利重樓䟽堂無私罪人懲革二兵道德純備讒口將
將仁人詘約敖暴擅強天下幽險恐矢世英螭龍猶蠖
螟鴟梟為鳳皇比干見剝孔子拘匡昭昭乎其知之明
也郁郁乎其遇時之不祥也拂乎其欲禮義之大行也
閻乎天下之晦盲也皓天不復憂無疆也千秋必反古
之常也弟子勉學天不忘也聖人共拱手時幾將矣與
愚亦疑願聞反辭其小歌也念彼遠方何其塞矣仁人

拙約暴人行矣忠臣危殆讒人般矣琰玉瑤珠不知佩也雜布與錦不知異也閭媿子奢莫之媒也鑊母刀父是知喜也以盲為明以聾為聰以危為安以吉為凶嗚呼上天曷維其同

戒子詩

東方曼倩

明者處世莫尚于中優哉游哉於道相從首陽為拙柳惠為工飽食安步以仕代農依隱玩世詭時不逢才盡身危好名得莖有羣累生孤貴失和遺餘不匱自盡無多聖人之道一龍一蛇形見神藏與物變化隨時之宜無有常家

自効詩

韋少翁

赫矣我祖侯于豕韋賜命達伯有殷以綏厥積既招車服有常朝宗商邑四牡駉駉德之令顯慶流于裔宗昭至漢群后歷世肅肅楚傳輔翼元夷厥駟有庸惟慎惟祇嗣王孔佚越遷于鄒五世墮僚至我節侯惟我節侯顯德遐聞左右昭宣五品以訓既苟致位惟懿惟奐厥賜祁祁百金洎館國被扶陽在京之東惟帝是留政謀是從繹繹六轡是列是理威儀濟濟朝享天子天子穆穆是宗是師四方遐邇觀國之輝茅土之繼在我俊兄惟我俊兄是讓是形於休厥德於赫有聲致我小子越留於京惟我小子不肅會同婿彼車服黜此附庸赫赫顯爵自我隊之微微附庸自我招之誰能忍媿寄之我顏誰將遐征從之夷蠻於赫三事匪俊匪作於蔑小子終焉其度誰謂華高企其齊而誰謂德難厲其庶而嗟

我小子于貳其尤隊彼令聲申此擇辭四方群后我監
我視威儀車服唯肅是履

戒子孫詩

常少翁

於肅君子既令儀德服此溫恭棣棣其則咨予小子既
德靡逮曾是車服恭嫚以隊明明天子俊德烈烈不遂
我遺恤我九列我既茲恤惟夙惟夜畏忌是申供事靡
惰天子我監登我三事顧我傷隊爵復我舊我既此登
望我舊階先后茲度連連孔懷司直御事我熙我盛群
公百僚我嘉我慶于異卿士非同我心三事惟囂莫我
肯矜赫赫三事力雖此畢非我所度退其罔日昔我之
隊畏不此居今我度茲戚戚其懼嗟我後人命其靡常
靖共爾位瞻仰靡荒慎爾會同戒爾車服無媚爾儀以
保爾域爾無我視不慎不整我之此復

于於虞

後人惟肅惟栗無忝顯位以蕃漢室

迪志詩

咨爾庶士迨時斯勗日月逾邁豈云旋復哀我經營旅
力靡及在茲弱冠靡所樹立於赫我祖顯于殷國二迹
呵衡克光其則武丁興商伊宗皇士爰作股肱萬邦是
紀奕世載德迄我顯考保膺淑懿續修其道漢之中葉
俊乂式序秩彼殷宗光此勲緒伊余小子穢陋靡逮懼
我世烈自茲以墜誰能革濁清我濯漑誰能昭闇啓我
童昧先人有訓我訊我誥訓我嘉務誨我博學爰率朋
友尋此舊則契濶夙夜庶不懈忒秩秩大猷紀綱庶式
匪勤匪昭匪壹匪測農夫不怠越有黍稷誰能云作考

之居息二事敗業多疾我方如彼遵衢則罔所極二志
靡成聿勞我心如彼兼聽則溷於音於戲君子無恒自
逸徂年如流解茲暇日行邁屢稅胡能有迄密勿朝夕
聿同始卒

述志詩 二首

仲公理

飛鳥遺跡蟬蛻亡殼騰地棄鱗神龍喪角至人能變達
士拔俗乘雲無轡騁風無足垂露成幃張霄成幄沆瀣
當餐九陽代燭恒星豔珠朝霞潤玉六合之內恣心所
欲人事可遺何爲局促

大道雖夷見幾者寡任意無非適物無可古來繚繞委
曲如瑣百慮何爲至要在我寄愁天上埋憂地下叛散
五經滅棄風雅百家雜碎請用從火抗志山西游心海
左元氣爲舟微風爲柁翱翔太清縱意容治

矯志詩

曹子建

芳樹雖香難以餌烹尸位素餐難以成名磁器引鐵於
金不連大朝舉士愚不聞焉抱壁塗乞無爲貴寶履仁
遭禍無爲貴道鴛雛遠害不羞卑棲靈虬避難不耻汚
泥都蔗雖甘杖之必折巧言雖美用之必滅濟濟唐朝
萬邦作孚逢蒙雖巧必得良弓聖主雖知必得英雄螳
蟻見嘆齊士輕戰越王輕蛙國以死獻道遠知驥世僞
知賢覆之憐之順天之矩澤如飢風惠如時雨口爲禁
闔舌爲發機門機之關格矢不追

言志詩

嵇叔夜

曰余不師訓潛志去世塵遠想出宏域高步超常倫靈

鳳振羽儀戢景西海濱朝食琅玕實夕飲玉池津處順
故無累養德乃入神曠哉宇宙惠雲羅更四陳哲人貴
識義大雅明庇身莊生悟無為老氏守其真天下皆得
一名實久相賓咸池饗爰民鍾鼓或愁辛柳惠善直道
孫登庶知人寫懷良未遂感贈以書紳

命子詩

陶淵明

悠悠我祖爰自陶唐邈為虞賓歷世重光御龍勤夏丕
韋翼商穆穆司徒厥族以昌○紛紛戰國漠漠哀周鳳
隱於林幽人在丘逸蚪遶雲奔駭駭流天集有漢眷予
愍侯○於赫愍侯運當攀龍撫劍夙邁顯茲武功書誓
山河啓土開封疊疊丞相允迪前蹤○渾渾長源蔚蔚
洪柯羣川載導衆條載羅時有語默運因隆窅在我中
晉業融長沙○桓桓長沙伊勳伊德天子疇我專征南
國功遂辭歸臨寵不忒孰謂斯心而近可得○肅矣我
祖慎終如台直方二臺惠和千里於皇仁考淡焉虛止
寄迹風雲寘茲溫喜○嗟余寡陋瞻望弗及顧慚華鬢
負影隻立三千之罪無後為急我誠念哉呬聞爾泣○
卜云嘉日占亦良時名汝曰儼字汝求思溫恭朝夕念
茲在茲尚想孔伋庶其企而○厲夜生子遽而求火凡
百有心奚特於我既見其生實欲其可人亦有言斯情
無假○日居月諸漸免于孩福不虛至禍亦易來夙興
夜寐願爾斯才爾之不才亦已焉哉

勸農詩

陶淵明

悠悠上古厥初生人傲然自足抱朴含真智巧既萌資

待靡因誰其贍之實賴哲人○哲人伊何時爲后稷贍
之伊何實曰播殖舜既躬耕禹亦稼穡遠若周典八政
始食○熙熙今音荷荷原陸卉木繁榮和風清穆紛紛
士女趨時競逐桑婦宵征農夫野宿○氣節易過和澤
難久冀缺攜儷沮溺結耦相彼賢達猶勤壟畝矧伊衆
庶曳裾拱手○民生在勤勤則不置宴安自逸歲暮奚
冀詹石不儲飢寒交至顧爾儔列能不懷愧○孔耽道
德樊須是鄙董樂琴書田園不履若能超然投跡高軌
敢不歛衽敬讚德美

獻詩

應詔詩二首

張茂先

赫赫大晉奄有萬方陶以仁化曜以天光二跡陝西實
在我王內鈺玉鉉外惟鷹揚四牡揚鑣玄輅振綬庶寮
群后餞飲洛湄感離嘆悽慕德遲遲

崇選穆穆利建明德於顯穆親時惟我王稟姿自然金
質玉相光宅舊趙作鎮異方休寵曲錫備物煥彰發軔
上京出自天邑百寮餞行摺紳具集軒冕峩峩冠蓋習
習戀德惟懷未嘆弗及

應詔詩

何敬祖

穆穆聖王體此慈仁友于之至通于明神遊宴綢繆情
戀所親薄言餞之干洛之濱嵩崖巖巖洪流湯湯春風
動衿歸鴈和鳴我后饗客鼓瑟吹笙舉爵惟別聞樂傷
情嘉宴旣終白日西歸羣司告旋鸞輿整綏我皇重離
頓轡駢駢臨川末歎酸涕霑頤崇恩感物左右同悲

應詔詩 二首

閻丘冲

暮春之月春服既成升陽土潤水渙川盈餘萌達壤嘉
木敷榮后皇宣遊既宴且寧光光華輦詵詵從臣微風
扇穢朝露翳塵上蔭丹幄下藉文茵臨川浥盥濯故潔
新俯鏡清流仰睇天津藹藹華林巖巖景陽業業峻宇
奕奕飛梁垂蔭倒景若沉若翔

浩浩白水汎汎龍舟皇在靈沼百辟同遊擊權清歌鼓
柅行酬聞樂咸和具醉斯柔在昔帝虞德被遐荒干戚
在庭苗民來王今我哲后古聖齊芳惠此中國以綏四
方元首既明股肱惟良樂酒今日君子惟康

應詔詩

顏延之

太儀在御皇聖居真旁緝民紀仰緯天經物資感變神
以瑞形川無遁寶山不闕靈亦既戒裝皇心載遠夕悵
亭臯晨儀禁苑神行景鶩發自靈闈對宴感分瞻秋悼
晚

廣文選卷第十一

江都葛潤校